

## AUGLÝSING

### frá ríkisskattstjóra nr. 7/2001 um framlengingu á fresti skattstjóra til að afgreiða kærur vegna álagningar opinberra gjalda.

Með vísan til 118. gr. laga nr. 75/1981, um tekjuskatt og eignarskatt, hefur ríkisskattstjóri ákveðið að breyta tímamarki því sem skattstjórum er sett, sbr. 99. gr. sömu laga, til að úrskurða kærur sem bárust vegna álagningar opinberra gjalda á lögaðila og tryggingagjalds á einstaklinga er lauk 31. október 2000.

Skattstjórar skulu hafa lokið við að úrskurða kærur þessar 2. apríl 2001.

*Reykjavík, 31. janúar 2001.*

**Ingvar J. Rögnvaldsson** vararíkisskattstjóri.

12. janúar 2001

Nr. 83

## GJALDSKRÁ

### fyrir sorpförgun í Fljótsdalshreppi.

1. gr.

Sveitarstjórn Fljótsdalshrepps er heimilt að leggja á árlegt sorpgjald (sorphreinsi- og sorpförgunargjald) sem innheimta skal með fasteignagjöldum.

2. gr.

Gjaldskrá er sem hér greinir:

A: Sorpgjald á heimili, kr. 7.000.

B: Sorpgjald á fyrirtæki óákveðið en fer eftir magni, sérsamningar.

3. gr.

Sveitarstjórn er heimilt að endurákvarða gjöld vegna nýrra fyrirtækja sem hefja rekstur á árinu.

4. gr.

Gjaldskrá þessi er sett af sveitarstjórn Fljótsdalshrepps að fenginni umsögn heilbrigðisnefndar samkvæmt samþykkt um sorphirðu í Fljótsdalshreppi nr. 329/2000 og 25. gr. laga um hollustuhætti og mengunarvarnir nr. 7/1998, með síðari breytingum.

*Brekkugerði, 12. janúar 2001.*

F.h. Fljótsdalshrepps,

**Jóhann F. Þórhallsson** oddviti.